

ومين قالك

ومين قالك تعيش وحدك
تموت وحدك
ولما الفرح بيحبك
يروح منك عشان وحدك

ومين قالك تعيش إنسان بلا غاية
لا له بداية ولا نهاية
مالوش جوه الحياه حكاية
فتحكيها الحياه بعدك

ومين قالك تعيش مطفية أحلامك
وعايش بس بتعدى فى أيامك
ومش بتحس مين حبك ومين خالك
ومين ودك ومين صدك

ومين غشك
وكان بضحك كده فى وشك
وكان بحرق عليك عشك
وجوه الضلمة بيشدك

يا صاحبي دى الحياه ساعة وهتعدى
ونفسك زي صلب الدنيا بتصدى
وعمرك قطر لا بأخر ولا بهدى
فما تخليش قساوة الدنيا دى تهدك

وعيش كما نخلة ثابتة
بين حشايا الأرض
وفوق الأرض سارحة
للسما وبالعرض
بتطرح للعباد خيرها ...
وخيرها عليها أصبح فرض
ومهما الريح بتقوى عليك ما بتهزك